



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

29. Domitivs pluribus Missis, quas pluribus personis primisit, satisfacere non potest vnicam Missam dicendo; vtvt aliàs valor sacrificij sit ex se infinitus.

**urn:nbn:de:hbz:466:1-40942**

requiritur ad fructum huius Sacramenti percipiendum, quam ad valorem solum eiusdem ponendum, ut concedunt Lugo D. 14. de pœnit. n. 88. Dicast. D. 6. n. 84. & alij plures assertentes, Confessionem posse esse validam & informem defectu attritionis extensio inuincibili. Cum ergo ad fructum Confessionis requiratur diligentia, quam inculpabiliter nullum omittatur peccatum mortale, sufficiet ad valorum eiusdem diligentia, quam creditur nullum culpabiliter omitti, etiamsi reuera non ita se habeat. Ad 2. Negamus committi sacrilegium in susceptione huius Sacramenti cum praedicta obliuione vel ignorantia mortaliter culpabili; siquidem ista ignorantia non intenditur, sicuti crassa & supina, quae idcirco scientiae comparatur. Urgent. Obliuio ista vel manet in actu confessionis, vel non? si illud, confessio erit sacrilega: si hoc, erit fructuosa. Dicimus, manere quidem illam, attamen præter opinionem: non vero intendi; unde integritati formalis non officit, quia à scientia lethalis culpæ deficit, quæ sola valorem confessionis destruit. Ad 3. Conceditur sequela, in qua nihil tam durum apparet, quam sibi imaginatur Facundez loc. cit. n. 10.

XXIX. Domitius Presbyter valde liberalis est in promittendis Missis, ut numerus harum facile numerum dierum superet, quibus celebrare possit; quod aduententes alij mirantur, si verbis suis stare possit,

possit, quibus ille ait, pluribus se promissionibus  
vno sacro satisfacere propter præstantiam sacrifici-  
iij. Quæritur. Reitene id faciat Domitius?

Videtur male id facere. Ita D. Bonavent.  
Richard. Durand. Palud. Couarr. Suarez,  
Lay. & alij, quos refert & sequitur Diana P. 5.  
Tr. 14. Resol. 81. Item Dicast. Tom. 1. de Sacram.  
Tr. 5. D. 3. n. 113. Tum quia in Constantiensi  
Concil. damnatur hæc propositio Wiclephi:  
speciales orationes applicatas vni per Prælatos non  
plus prodeesse eidem, quam generales orationes.  
Ergo hoc ipsum asserti nequit in Sacrificio.  
Tum quia Sacrificium est finiti valoris & effe-  
ctus, ut post plures docent Card. de Lugo de  
Euch. D. 19. n. 245. & Cardin. Sfortia Pallan-  
tinicus l. 6. Thes. Theolog. 173. & 174. Et sit eti-  
am infinitus, tamen effectus semper est fini-  
tus. Ergo inter plures diuisus minor semper  
est in singulis. Tum quia sic frustraneum erit,  
pro vno vel pluribus defunctis multa offerre  
sacrificia. Tum denique quia hæc ratione Sa-  
cerdos vnicā Missā pluribus satisfacere pos-  
set, etiamsi ab illis stipendiū acceperit, quod  
est absurdum, & prohibitum à Sac. Congreg.  
& decreto Urbani VIII. Papæ.

Resp. 1. Virtutem & valorem sacrificij es-  
se ex se infinitum tam quoad intensionem,  
quam quoad extensionem. Ita Vasq. Suarez,  
Coninck, Palao Tr. 22. D. vnic. pun. 6. num. II.  
Dicast. D. 5. cit. dubit. 4. n. 77. & communiter

alij. Ratio est. Tum quia res oblata & principalis offerens, ex quibus vnicè vis omnis desumenda, sunt infiniti valoris. Tum quia non est inconueniens dicere, hanc virtutem Sacrificio coniunctam esse à Deo; si enim secundum maiorem dispositionem suscipientis maior datur gratia, multò magis concedi id debet Sacrificio, cùm crescere possit tam quoad intensionem, quàm quoad extensionē, siue ad plures personas in infinitum syncategorematicè.

Resp. 2. Si Sacerdos confusâ tantum seu generali intentione applicet Sacrificium pluribus, v. g. omnibus huius ciuitatis, probabiliter tunc minùs prodesse singulis, quàm si vni tantum specialiter fuisset applicatum. Ita Scotus, Sotus, & Syluest. apud Dicast. loc. cit. n. 107. Item Palao pun. 6. cit. n. 16. citans pro se Valsquium. Ratio est, quod Sacrificij effectus pendeat ex applicatione Sacerdotis, ut post Suarez, Valsq. & alios communiter docet Laym. l. 5. Tr. 5. c. 2. assert 4. Ergo conueniens est, ut applicationi perfectioni perfectior, & abundantior respondeat effectus.

Resp. 3. Si Sacerdos speciali intentione applicet Sacrificium pluribus, probabilius esse, perinde illud prodesse singulis illorum, acsi vni tantum fuisset applicatum. Ita Caietanus in 3. part. q. 79. art. 5. Valsq. in 3. part. Tom. 3. D. 231. c. 3. Pet. Nauarra de Restit. l. 2. c. 2. n. 268.

n. 268. Gaspar Hurt. de Sacramentis D. 3. de Sa-  
crif. Missæ diffic. 8. Palao pun. 6. cit n. 13. & alij  
ab his relati. Prob. Tum authoritate S. Hiero-  
nymi adducti in C. non mediocriter. de Con-  
seer dist. 1. vbi ait: *dum pro cunctis animabus*  
*psallimus, vel Missa dicitur, nihil minus, quam si*  
*pro uno quoque diceretur, accipitur.* Tum quia  
potuit Christus ita instituisse hoc Sacrificium,  
ut ex opere operato iuxta intentionem Sacer-  
dotis conferretur æqualis fructus pluribus  
non aliter, ac si ille hunc ipsum fructum uni  
tantum intendisset, ut concedit Dicast. n. 115.  
Ergo cum hoc dignitatem Sacrificij vehemē-  
ter efferat, nec minus liberalitatem Dei com-  
mendet, atque insuper salutem nostram ma-  
xime promoueat, credendum est, ipsum sic  
de facto instituisse. Tum quia Sacrificium  
hoc (cæteris paribus) quoad impetrationem  
non minus prodest singulis, ac si uni tantum  
applicaretur, ut concedunt Suarez D. 79. sedt.  
2. Dicast. n. 131. & alij. Cur ergo non etiam  
quoad satisfactionem? cum non minus ad  
satisfaciendum, quam impecrandum habeat  
valorem infinitum. Tum quia ignis applica-  
tus pluribus passis causat eundem in singulis  
effectum, quem in uno habiturus fuisset huic  
soli applicatus, ut docent communiter Phi-  
losophi. Ergo etiam Sacrificium Missæ pluri-  
bus hominibus applicatum sortitur eundem  
in singulis effectum, quem habiturum fuis-

Gg 5

set

set in vno huic soli applicatum. Aut cur istud minoris efficaciam dicamus, quām illud?

Resp. 4. Etiam si Sacrificium infiniti sit valoris, & pluribus applicatum non minus singulis profit, quām si pro vno tantum fuisset oblatum, nihilominus nullus Sacerdos duo aut plura iusta stipendia pro vno Sacro accipere potest. Ita hodie omnes post decretum Urbani VIII. imò Suarez D. 86. sect. 2. concl. 4. testatur, etiam suo tempore nullum fuisse aliud ausum afferere. Ratio est. Tum quia est contra communem sensum & usum totius Ecclesiæ; nam si in aliquo Anniversario aut Capella maior est Missarum numerus, recurritur ad Papam, vel Episcopum, ut cum consensu Synodi dispenset iuxta Trid. sess. 25. c. 4. quod minimè necesse foret, si unum Sacrum pro pluribus stipendijs legi posset. Tum quia stipendum non confertur pro Sacro, sed pro sustentatione Sacerdotis sub obligatione Sacrum faciendi. At iniustum est, & contra voluntatem cōductorum, velle pluribus stipendijs integris acceptis uno Sacrificio satisfacere. Ergo &c. Tum quia res adhuc dubia est inter Authores, utrum Sacrificium pro pluribus oblatum ita profit singulis, acsi tantum pro vnicō fuisset oblatum. Ergo iniuste & contra rationabilem fidelium voluntatem accipiuntur pro vno Sacro plura certa stipendia.

Resp. 5. Domitium nullo etiam stipendio accepto

accepto pluribus Missis, quas pluribus personis absolutè & singillatim promisit, satisfacere non posse vno sacrificio. Sequitur ex dictis, & probatur. Tum quia talis promissio Sacri v. g. Annæ facta ex communi hominū sensu significat Missam vnam vni vnicè legendam, aut eius intentioni applicandam. Tum quia certa & determinata promissio certum ac determinatum effectum postulat, qualem in proposito non habet Sacrum nisi vni promissario applicatum. Tum quia non minus is, qui Sacrum gratis oblatum acceptat legendum, quam qui id conductit mercede, intendit obligare Sacerdotem ad id, quod est utilius, & quantum licet potest, atque omni meliori modo, ut rectè Graff de celebat Missat. Tom. 2. conf. 3. Etiam si igitur Sacerdos iuxta tertiam responsonem speciali intentione applicare possit Sacrificium pluribus, ita ut probabiliter singulis horum æquè prosit, acsi vni tantum fuisset applicatum, si tamen pluribus absolutè & singillatim Missam promisit, nō satisfacit omnibus illis vno vnico Sacrificio propter promissionem, quam amplitudinem libertatis suæ ad certū & limitatum modū restrinxit, consuetum scil. sensum & usum Ecclesiæ.

*Ad I. in contrarium negamus consequentiā, quia in Sacrificio, quando offertur pro pluribus, ita ut singulis æquè prosit, acsi pro*

vno

vno faisset oblatum, exprimi oportet singulorum nomina, vt patet ex Resp. II. id quod nō fit in oratione generali; vnde inter damnatam propositionem Wiclephi & Resp. nostram III. grandis est disparitas, vt optimè notat Dicast. n. 113.

*Ad 2.* Eiusque priorem partem patet ex Resp. I. Ad alteram partem distinguimus: effectus Sacrificij est finitus quoad æqualitatem, ita ut eiusdem magnitudinis reperiatur in singulis, concedimus: est finitus quoad diuisionem ita ut minor in singulis existat, quam extin-  
turus fuisset, si idem Sacrificium pro vno so-  
lo fuisset oblatum, negamus. *Ad 3.* negamus  
frustraneum fore; nam esto in quolibet Sacro  
eadem virtus impetrandi contineatur, ac con-  
tinetur in omnibus; at applicatio illius vir-  
tutis efficacior est pluribus Sacris factis, quam  
vno tantum, cæteris paribus. Vrgent rati,  
posse saltem vno Sacro sic liberari omnes ani-  
mas è purgatorio. Negamus istam quoque  
sequelam, quia Sacrificium, inquit Palao loc.  
cit. n. 14. prodest animabus purgatorij secun-  
dum mensuram gratiæ, quam habent, & de-  
uotionem, quam existentes in hac vitâ procu-  
rant sacrificium, ac intentionem Sacerdotis;  
cum autem hæc æqualia esse nō possint in om-  
nibus animabus purgatorij, efficitur, nō æquè  
omnibus Sacrificium prodesse. *Ad 4.* patet  
ex responsione quarta.

XXX.